



სახელმწიფო აუდიტის სამსახური

სახელმწიფო აუდიტის სამსახურის ბალანსზე არსებული ა/მანქანების

დაზღვევის (CPV66514110) მომსახურების გამარტივებული

ელექტრონული ტენდერის საშუალებით შესყიდვის

სატენდერო დოკუმენტაცია

ქ. თბილისი

2012 წელი

სარჩევი

1.	ინსტრუქცია ტენდერში მონაწილეთათვის	3
2.	საკვალიფიკაციო მოთხოვნები	4
4.	ტექნიკური დავალება	5
5.	სახელმწიფო შესყიდვის შესახებ ხელშეკრულების პროექტი	7
6.	დანართი N1	11
7.	დანართი N2	12
8.	დანართი N3	13
9.	დანართი N4	14
10.	დანართი N5	16

1. ინსტრუქცია ტენდერში მონაწილეთათვის

1.1. სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება „სახელმწიფო შესყიდვების შესახებ“ საქართველოს კანონის, სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ შესაბამისად.

1.2. ტენდერთან დაკავშირებული ყველა დოკუმენტი ან/და ინფორმაცია წარმოდგენილი იქნეს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.3. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4. სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული უნდა იყოს უფლებამოსილი პირის მიერ.

1.5. ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.6. პრეტენდენტს არა აქვს უფლება წარმოადგინოს ალტერნატიული წინადადება.

1.7. სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში. ქ. თბილისი, ქ. წამებულის გამზირი № 96, საკონტაქტო პირი: ნუცა ჩოხელი.
ტელ : +995 (32) 2438146;

2 საკვალიფიკაციო მოთხოვნები:

2.1. საკვალიფიკაციო მოთხოვნების თანახმად, პრედენდენტმა უნდა წარმოადგინოს შემდეგი დოკუმენტები:

2.1.1 იურიდიული პირებისათვის:

- ა) ცნობა, მეწარმეთა და არასამეწარმეო (არაკომერციული) იურიდიულ პირთა რეესტრიდან, რომ არ ხორციელდება იურიდიული პირის რეორგანიზაცია ან ლიკვიდაცია;
- ბ) ცნობა საქართველოს საჯარო რეესტრის ეროვნული სააგენტოდან, იურიდიული პირის ქონებაზე საჯაროსამართლებრივი შეზღუდვის (ყადაღის) არარსებობის შესახებ.
- გ) ცნობა საგადასახადო ორგანოდან, ბიუჯეტის წინაშე დავალიანების არარსებობის შესახებ.

2.1.2. ფიზიკური პირებისათვის:

- ა) ნასამართლობის შესახებ ცნობა შესაბამისად უფლებამოსილი ორგანოდან, რომლითაც დასტურდება, რომ პირი არ არის ნასამართლელი.
- ბ) პირადობის მოწმობის ან პასპორტის ასლი;
- გ) ცნობა საგადასახადო ორგანოდან, ბიუჯეტის წინაშე დავალიანების არარსებობის შესახებ.

2.2. ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები გაცემულ უნდა იყოს:

- ა) გამარტივებული ელექტრონული ტენდერის შემთხვევაში – სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ მე - 2 მუხლის პირველი პუნქტის „კ“ ქვეპუნქტის გათვალისწინებული ეტაპის შემდეგ“.
- ბ) ელექტრონული ტენდერის შემთხვევაში – სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ მე-2 მუხლის პირველი პუნქტის „ლ“ ქვეპუნქტით გათვალისწინებული ეტაპის დაწყებამდე არა უგვიანეს ოცდაათი დღისა.

2.3. ამ პუნქტის 2.2. ქვეპუნქტით გათვალისწინებული ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები, დედნის სახით ან ნოტარიალურად დამოწმებული ასლები წარმოდგენილი უნდა იქნას მოთხოვნიდან არა უმეტეს 5 (ხუთი) სამუშაო დღეში. არარეზიდენტმა პრედენდენტებმა უნდა წამოადგინონ თავიანთი ქვეყნის შესაბამისი უფლებამოსილი ორგანოების მიერ გაცემული სკვალიფიკაციო მონაცემების დამადასტურებელი დოკუმენტები, რომლებსაც თან უნდა დაერთოს ნოტარიალურად დამოწმებული თარგმანი ქართულ ენაზე.

2.4. პრეტენდენტის მიერ დაზუსტებული ტექნიკური დოკუმენტაციისა და საკვალიფიკაციო მონაცემების დამადასტურებელი დოკუმენტების წარმოდგენა შემსყიდველ ორგანიზაციაში ხდება სისტემის მეშვეობით.

3. გასაწევი მომსახურების ტექნიკური დავალება :

3.1. სახელმწიფო აუდიტის სამსახურის ბალანსზე არსებული 26 ერთეული ა/მანქანების სრული სადაზღვევო მომსახურების გაწევა,

რომელიც მოიცავს:

- ავტოსატრანსპორტო საშუალების დაზღვევა ნულოვანი ფრანშიზით,
- ავტოსატრანსპორტისათვის გარეგანი ზემოქმედებით მიყენებულ დაზიანებას, ხანძარს, აფეთქებას, დაზღვევის საგნის გატაცებას, გატაცების მცდელობას (კერძოდ: ქურდობას, ძარცვას, ყაჩაღობას),
- დამატებითი აღჭურვილობის, მინების სარკეების და ა.შ ქურდობა
- ავტოსატრანსპორტის ევაკუაციასთან დაკავშირებული ხარჯები
- მზღვეველის მიერ მესამე პირთა წინაშე სამოქალაქო პასუხისმგებლობას. მაქსიმალური ლიმიტი - არანაკლებ 10 000 (ათი ათასი) ლარი,
- უფლებამოსილი მძღოლისა და მგზავრების დაზღვევას უბედური შემთხვევისაგან მაქსიმალური ლიმიტი არანაკლებ 10 000 (ათი ათასი) ლარი, ჯამურად, სუბლიმიტი ერთ პირზე არანაკლებ 2000 ლარი)
- ავტოსატრანსპორტის სრულ დაზიანებად ჩაითვლება ზიანი, რომლის დროსაც აღდგენითი შეკეთების ღირებულება მისი საბაზრო ღირებულების 75%-ს ან მეტს შეადგენს ან განადგურებულია ავტომანქანის 75% ან მეტი
- ავტომანქანების სავალდებულო სადაზღვევო რისკების ჩამონათვალი - დანართი N3 (როდესაც "მზღვეველი" ვალდებულია აანაზღაუროს ზარალი)
- ავტოსაგზაო შემთხვევების ჩამონათვალი - დანართი N4 (განონაკლისი როდესაც "მზღვეველს უფლება აქვს არ აანაზღაუროს ზარალი)
- სრული ზარალის შემთხვევაში მზღვეველის არჩევანის შესაბამისად მზღვეველი აუნაზღაურებს ავტომანქანის საბალანსო ღირებულებას ან ახდენს მსგავსი ავტომანქანის ჩანაცვლებას (მიუხედავად დაზიანებული ავტომანქანის საბაზრო ღირებულებისა).
- ზარალის დადგომისას "შემსყიდველი" ზარალის ასანაზღაურებლად წარადგენს - დანართი N5-ში მითითებულ დოკუმენტებს.
- ზარალის ანაზღაურება უნდა მოხდეს დანართ N5-ში მითითებული დოკუმენტების წარდგენიდან არაუმეტეს 20 (ოცი) კალენდარულ დღეში.
- პრემიის გადახდა მოხდება ინვოისის წარმოდგენიდან 20 (ოცი) დღის ვადაში
- უფლებამოსილი მძღოლი გულისხმობს: შემსყიდველის ნებისმიერი თანამშრომელს ან პირს, არანაკლებ 21 და არაუმეტეს 65 წლის, რომელსაც უნდა გააჩნდეს მართვის უფლებამოსილება.

3.2 გასაწევი მომსახურების ხარჯთაღრიცხვა

ა) გასაწევი მომსახურების ხარჯთაღრიცხვა წარმოდგენილი უნდა იყოს დანართი N 2-ის შესაბამისად

ბ) სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით .

3.3. მომსახურების გაწევის ვადები :

მომსახურების გაწევა უნდა განხორციელდეს 2013 წლის 01 იანვრიდან - 2013 წლის 31 დეკემბრის ჩათვლით.

3.4. ანგარიშსწორების პირობები:

ა) ანგარიშსწორება მიმწოდებელთან განხორციელდება ორ ტრანშად/შენატანად., მხარეთა მიერ მიღება-ჩაბარების აქტის გაფორმებისა (რომლითაც შესაბამისი სადაზღვევო პოლისების გადაცემის ფაქტი დადასტურდება) და მიმწოდებლის მიერ შესაბამისი ინვოისის შემსყიდველისათვის წარდგენიდან 20 (ოცი) სამუშაო დღის განმავლობაში,

ბ) ანგარიშსწორება განხორციელდება უნაღდო ანგარიშსწორების ფორმით.

გ) ანგარიშსწორება განხორციელდება ლარებში.

დ) მომსახურების ღირებულება გამოსახულია საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.

3.5. დამატებითი მოთხოვნები

- ა) სატენდერო წინადადება, აგრეთვე ამ წინადადებასთან დაკავშირებული შემსყიდველს და პრეტენდენტს შორის გაცვლილი მთელი კორესპონდენცია და დოკუმენტაცია წარმოდგენილი უნდა იქნას ქართულ ენაზე;
- ბ) პრეტენდენტის სატენდერო წინადადება უნდა შეიცავდეს შემდეგ ინფორმაციას:

- რეკვიზიტები

- გასაწევი მომსახურების ღირებულება

- სადაზღვევო საქმიანობის ლიცენზიის ასლი;

- დანართებით (N1; N2; N3; N4; N5; N6;) გათვალისწინებული ინფორმაცია

- გ) სატენდერო წინადადების საერთო და ერთეულის ფასის წარმოდგენა დასაშვებია მხოლოდ ეროვნულ ვალუტაში - ლარი.

შენიშვნა: -ამ პუნქტის „ბ“ ქვეპუნქტით გათვალისწინებული ყველა ინფორმაცია წარმოდგენს პრეტენდენტის სატენდერო წინადადებას, რომელიც უნდა აიტვირთოს სახელმწიფო შესყიდვების ერთიან ელექტრონულ სისტემაში პრეტენდენტის მიერ სატენდერო წინადადების შეთავაზებისას.

- დ) პრეტენდენტის მიერ წამოდგენილი (ერთიან ელექტრონულ სისტემაში ატვირთული) ყველა დოკუმენტი ან/და ინფორმაცია ხელმოწერილი ან/და ბეჭედდასმული უნდა იყოს უფლებამოსილი პირის მიერ.

**4. სახელმწიფო შესყიდვის ხელშეკრულების პროექტი
/ხელშეკრულების პირობები დაზუსტდება გამარჯვებულ კომპანიასთან/**

**ხელშეკრულება №
სახელმწიფო შესყიდვის შესახებ**

სახელმწიფო შესყიდვების კანონის და სატენდერო წინადადების საფუძველზე, გამარტივებული ელექტრონული ტენდერის ჩატარების შედეგად,

წინამდებარე ხელშეკრულება დადებულია “-----” ----- 2012 წ. თბილისი.

ერთის მხრივ, **სახელმწიფო აუდიტის სამსახურსა**, წარმოდგენილი მისი გენერალური აუდიტორის მოადგილის გიორგი ლაცაბიძის სახით (შემდგომში შემსყიდველი)

მისამართი: ქ. თბილისი, წმინდა ქეთევან დედოფლის (ყოფილი წამებულის) გამზირი №96

საიდენტიფიკაციო კოდი: 202051956

სახელმწიფო სახაზინო კოდი: 220101222 ა/ა 200122900

და მეორეს მხრივ, პრეტენდენტის (მისი დასახელება) მისი ხელმძღვანელის სახით (შემდგომში მიმწოდებელი),

მისამართი:

საიდენტიფიკაციო კოდი:

საბანკო რეკვიზიტები:

შორის

მუხლი 1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში „ხელშეკრულება“) შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ – კალენდარული დღე, კვირა, თვე.
- 1.4. „შემსყიდველი“ – ორგანიზაცია, რომელიც ახორციელებს შესყიდვას.
- 1.5. „მიმწოდებელი“ – პირი, რომელიც ახორციელებს შესყიდვის ობიექტის მიწოდებას ხელშეკრულების ფარგლებში.

მუხლი 2 ხელშეკრულების საგანი

- 2.1. გამარჯვებულმა კომპანიამ უნდა უზრუნველყოს შემსყიდველის ავტომატური სადაზღვევო მომსახურების გაწევა. (CPV).
- 2.2. ხელშეკრულებით გათვალისწინებული შესყიდვის ობიექტის აღწერა მოცემულია სატენდერო დოკუმენტაციაში.
- 2.3. პრეტენდენტის მიერ წარმოდგენილი სატენდერო წინადადება და სატენდერო წინადადებაზე თანდართული ყველა სხვა დოკუმენტი ქმნიან მოცემულ ხელშეკრულებას და ითვლებიან მის განუყოფელ ნაწილად, კერძოდ:
 - ა) წინამდებარე ხელშეკრულება;
 - ბ)

მუხლი 3. ხელშეკრულების ღირებულება

- 1.6. ხელშეკრულების ჯამური ღირებულება შეადგენს ----- ლარს.
- 1.7. ხელშეკრულების ჯამური ღირებულება მოიცავს ხელშეკრულებით გათვალისწინებული შესყიდვის ობიექტის მიწოდებასთან დაკავშირებულ მიმწოდებლის ყველა ხარჯს.

მუხლი 4. მომსახურების მოწოდების ვადები და ადგილი

- 4.1 მიმწოდებელმა წინამდებარე ხელშეკრულებით გათვალისწინებული შესყიდვის ობიექტის მიწოდება

უნდა განახორციელოს 2013 წლის 01 იანვრიდან- 2013 წლის 31 დეკემბრის ჩათვლით.

4.2 შესყიდვის ობიექტის მიწოდების ადგილია: ქ. თბილისი, წმინდა ქეთევან დედოფლის (ყოფილი ქეთევან წამებულის) გამზირი №96.

მუხლი 5. მომსახურების ხარისხი და გარანტია

- 5.1 მიმწოდებელი იძლევა გარანტიას, რომ გაწეული მომსახურება იქნება ხარისხიანი.
- 5.2. მიმწოდებელი ვალდებულია შეტყობინების მიღებისთანავე განახორციელოს წუნდებული საქონლის, ან მისი ნაწილის შეკეთება ან შეცვლა შემსყიდველის მხრიდან რაიმე დამატებითი დანახარჯის გაწევის გარეშე.
- 5.3. მიმწოდებლის მიერ 5.2 პუნქტით გათვალისწინებული ვალდებულების შეუსრულებლობის შემთხვევაში, შემსყიდველს უფლება აქვს თვითონ მიიღოს ზომები წარმოშობილი ხარვეზების გამოსწორებისათვის და მოსთხოვოს მიმწოდებელს შესაბამისი ხარჯების ანაზღაურება ან გამოქვითოს ეს თანხა ხელშეკრულების მიხედვით მიმწოდებლისათვის გადასახდელი თანხიდან.

მუხლი 6. ხელშეკრულების შესრულების კონტროლი

- 6.1. შემსყიდველს ან მის წარმომადგენელს უფლება აქვთ ხელშეკრულების შესრულების ნებისმიერ ეტაპზე განახორციელონ კონტროლი (ინსპექტირება) მიმწოდებლის მიერ ნაკისრი ვალდებულებების შესრულებაზე, მათ შორის მომსახურების ხარისხის პერიოდული ინსპექტირება.
- 6.2. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

მუხლი 7. შესყიდვის ობიექტის მიღება-ჩაბარების წესი

- 7.1. შესყიდვის ობიექტის მიღება-ჩაბარება განხორციელდება, შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით.
- 7.2. საქონელი, ან მისი ნაწილი ჩაითვლება მიღებულად მხოლოდ მხარეთა მიერ განსაზღვრული უფლებამოსილი პირების მიერ მიღება-ჩაბარების აქტის გაფორმების შემდეგ.
- 7.3. საქონლის (მისი ნაწილის) მიღების შემდეგ ან/და საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.
- 7.4. შემსყიდველი ვალდებულია დროულად აცნობოს მიმწოდებელს საბოლოო შემოწმების შედეგები დაწუნებული საქონლის წუნდების მიზეზის მითითებით.

მუხლი 8. ანგარიშსწორება

- 8.1. ანგარიშსწორება მიმწოდებელთან განხორციელდება საქონლის, ან მისი ნაწილის მიწოდების შემდეგ 10 (ათი) სამუშაო დღის განმავლობაში, მიღება-ჩაბარების აქტის გაფორმების, მიმწოდებლის მიერ სასაქონლო ზედნადების და ანგარიშგაქტურის წარდგენის საფუძველზე.
- 8.2. ანგარიშსწორება განხორციელდება უნადო ანგარიშსწორების ფორმით.
- 8.3. ანგარიშსწორება განხორციელდება ლარებში. სახელმწიფო შესყიდვის დაფინანსების წყაროა: სახელმწიფო ბიუჯეტი;
- 8.4. საავანსო ანგარიშსწორება არ გამოიყენება.

მუხლი 9. ფასები

- 9.1. ხელშეკრულებაში განსაზღვრული ფასის ცვლილება დასაშვებია მხოლოდ შემდეგ შემთხვევებში:
 - ა) საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში (დაუშვებელია სახელმწიფო შესყიდვების შესახებ ხელშეკრულების ჯამური ღირებულების 10 %-ზე მეტი ოდენობით გაზრდა).
- 9.2. ფასების ცვლილების შესახებ ხელშეკრულების მხარემ უნდა შეატყობინოს მეორე მხარეს წერილობით, რომელიც თავის მხრივ უფლებამოსილია არ დაეთანხმოს აღნიშნულ ცვლილებას.

მუხლი 10. ფორს-მაჟორი

- 10.1. ხელშეკრულების, რომელიმე მხარის მიერ ხელშეკრულების პირობების შეუსრულებლობა არ განიხილება ხელშეკრულების პირობების დარღვევად თუ შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოებების შედეგი;

- 10.2. ამ ხელშეკრულების მიზნებისათვის ფორს-მაჟორი ნიშნავს მხარეებისათვის გადაუღებელ და მათი კონტროლისაგან დამოუკიდებელ გარემოებებს, რომლებიც არ არიან მხარეების შეცდომებთან და დაუდევრობებთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, ეპიდემიით;
- 10.3. ფორს-მაჟორული გარემოების დადგომის შემთხვევაში მხარემ, რომლისათვისაც შეუძლებელი ხდება ნაკისრი ვალდებულების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

მუხლი 11. მხარეთა ურთიერთობა

- 11.1. ნებისმიერი ოფიციალური შეტყობინება მხარეთა შორის უნდა ატარებდეს წერილობით ფორმას;
- 11.2. შეტყობინება ძალაში შედის ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, ამ თარიღიდან რომელიც უფრო გვიან დგება.

მუხლი 12. მხარეთა უფლება-მოვალეობები.

- 12.1. შემსყიდველს უფლება აქვს მიიღოს მიმწოდებლის მიერ ჯეროვნად, კეთილსინდისიერად, დათქმულ დროსა და ადგილას ხელშეკრულებით გათვალისწინებული საქონელი;
- 12.2. შემსყიდველი ვალდებულია გადაუხადოს მიმწოდებელს ხელშეკრულების ფასი ხელშეკრულებით გათვალისწინებული პირობების შესაბამისად;
- 12.3. მიმწოდებელი ვალდებულია ჯეროვნად, კეთილსინდისიერად, დათქმულ დროსა და ადგილას მიაწოდოს ხელშეკრულებით გათვალისწინებული საქონელი;
- 12.4. მიმწოდებელს უფლება აქვს მიწოდებული საქონლის სანაცვლოდ მიიღოს ხელშეკრულებით გათვალისწინებული ფასი.

მუხლი 13. მხარეთა პასუხისმგებლობა ხელშეკრულების პირობების შეუსრულებლობისათვის

- 13.1. მხარეები პასუხს აგებენ ერთმანეთის წინაშე მათ მიერ ამ ხელშეკრულებით ნაკისრი ვალდებულებების შეუსრულებლობისთვის ან არაჯეროვნად შესრულებისთვის;
- 13.2. თუ ერთ-ერთი მხარე არ ასრულებს ან არაჯეროვნად ასრულებს ნაკისრ ვალდებულებას, მეორე მხარე უფლებამოსილია წერილობითი ფორმით გააფრთხილოს იგი შეასრულოს ხელშეკრულების პირობები;
- 13.3. ხელშეკრულების ერთი მხარის მიერ ვალდებულებების კვლავ შეუსრულებლობის ან არაჯეროვნად შესრულების შემთხვევაში, მეორე მხარეს, შესაბამისი გაფრთხილების გაგზავნისა და დამატებით განსაზღვრული ვადის უშუალოდ გასვლის შემდეგ, უფლება აქვს ცალმხრივად ვადამდე შეწყვიტოს ხელშეკრულება და მოითხოვოს პირგასამტეხლოს ანაზღაურება.
- 13.4. წინამდებრე ხელშეკრულების პირობების დარღვევის შემთხვევაში, მიმწოდებელი კისრულობს პასუხისმგებლობას: გადაუხადოს შემსყიდველს პირგასამტეხლო, მთლიანი სახელშეკრულებო თანხის 0.1% პროცენტის ოდენობით.
- 13.5. შემსყიდველი პასუხისმგებლობას კისრულობს, ხელშეკრულებით გათვალისწინებული ანგარიშსწორების ვადების დარღვევისათვის, პირგასამტეხლოს სახით მიმწოდებელს გადაუხადოს ვადაგადაცილებული თანხის 0.1 პროცენტი.
- 13.6. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

მუხლი 14. გადასახადები და ბაჟები

მიმწოდებელი პასუხს აგებს შესყიდვის ობიექტის მოწოდებასთან დაკავშირებული ყველა იმ გადასახადის, დაბეგვრის თანხის, მოსაკრებლების და სხვა გადასახადების გადახდაზე, რომლებიც გადასახდელია საქართველოს ფარგლებში

მუხლი 15. ხელშეკრულების ძალაში შესვლა და მოქმედების ვადები

ხელშეკრულება ძალაში შედის მისი ხელმოწერის დღიდან და მოქმედებს 2013 წლის 31 დეკემბრის ჩათვლით.

მუხლი 16. ხელშეკრულებაში ცვლილებების შეტანა

- 16.1. არანაირი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორების გარდა.
- 16.2. ხელშეკრულების პირობების ნებისმიერი ცვლილება უნდა გაფორმდეს დანართის სახით, რომელიც ჩაითვლება ხელშეკრულების განუყოფელ ნაწილად.

მუხლი 17. ხელშეკრულების შეწყვეტა

17.1. ხელშეკრულება შეიძლება შეწყდეს:

- ა) მხარეთა წერილობითი შეთანხმებით;
- ბ) ხელშეკრულების ვადის გასვლის გამო;

17.2. შემსყიდველი უფლებამოსილია, ცალმხრივად შეწყვიტოს ხელშეკრულება, თუ მიმწოდებლის მიერ, დარღვეული იქნება მოპმსახურების გაწევის ვადები 10 დღის განმავლობაში.

17.3. შემსყიდველის მიერ 10 დღით ადრე წერილობითი შეტყობინების საფუძველზე.

17.4. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

მუხლი 18. დავათა განხილვის წესი

მხარეები შეეცდებიან ურთიერთმოლაპარაკების საფუძველზე გადაჭრან წინამდებარე ხელშეკრულებასთან დაკავშირებით წამოჭრილი დავები. შეთანხმების მიუღწევლობის შემთხვევაში, დავა განიხილება სასამართლოს მიერ საქართველოს კანონმდებლობის შესაბამისად.

მუხლი 19. დამატებითი პირობები

19.1. არც ერთ მხარეს არა აქვს უფლება, მეორე მხარისაგან წერილობითი თანხმობის გარეშე თავისი უფლებები ან ვალდებულებანი გაასხვისოს ან გადასცეს მესამე პირებს.

19.2. შემსყიდველი უფლებამოსილია მოშალოს ეს ხელშეკრულება ცალმხრივად დადგენილი პირობებით, თუ მეორე მხარე ვერ უზრუნველყოფს თავის ვალდებულებების ჯეროვან შესრულებას ან სხვა მოქმედი კანონმდებლობით გათვალისწინებულ შემთხვევაში.

19.3. მხარეები თანხმდებიან, რომ ის ურთიერთობანი, რომელიც არ იქნა რეგულირებული წინამდებარე ხელშეკრულებით, რეგულირებული უნდა იყოს საქართველოს კანონმდებლობით დადგენილი წესით.

19.4. ხელშეკრულება შედგენილია ქართულ ენაზე, ორ თანაბარ იურიდიული ძალის მქონე ეგზემპლარად (ერთი ეგზემპლარი მიმწოდებელს, ერთი ეგზემპლარი შემსყიდველს).

მხარეები არსებითად ეთანხმებიან ხელშეკრულების პირობებს და ყოველივე ზემოთქმულის დასტურად გააფორმეს წინამდებარე ხელშეკრულება საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს.

მხარეთა ხელმოწერები:

შემსყიდველის მხრიდან:

მიმწოდებლის მხრიდან:

გიორგი ლაცაბიძე _____

გენერალური აუდიტორის მოადგილე

დირექტორი

ბ.ა.

ბ.ა.

რეკვიზიტები

რეკვიზიტები :

პრეტენდენტის იურიდიული ფორმა და დასახელება :

ხელმძღვანელის სახელი და გვარი :

პრეტენდენტის იურიდიული ან/ და ფაქტიური მისამართი :

საიდენტიფიკაციო კოდი :

პრეტენდენტის ტელეფონის ნომერი :

ელექტრონული მისამართი

ბანკის კოდი :

ანგარიშსწორების ანგარიში :

2. სახელმწიფო შესყიდვების ერთი ან ელექტრონულ სისტემაში შემოთავაზებული სატენდერო წინადადების ფასი :

3. სატენდერო წინადადების მოქმედების ვადა :

(სახელმწიფო შესყიდვების ერთიან ელექტრონულ სისტემაში წინადადებების მიღების დაწყებიდან არა ნაკლებ 30 კალენდარული დღე)

ვადასტურებთ, რომ გაცნობილნი ვართ „სახელმწიფო შესყიდვების შესახებ“ საქართველოს კანონს, სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესს“ და ტენდერის მსვლელობის დროს ვიმოქმედებთ დადგენილი წესების და ნორმების ფარგლებში.

სატენდერო წინადადების ფასი (დღგ-ს ჩათვლით, ლარი),
ფასების ცხრილი და მოქმედების ვადა

შეესვის თარიღი

..... მომსახურებას გათვალისწინებულ () ლარად.

(პრეტენდენტის დასახელება)

(თანხა ციფრებით)

(თანხა სიტყვიერად)

სახელმწიფო აუდიტის სამსახურის ბალანსზე რიცხული ავტომატური						
№	ა/მ დასახელება და სახ.ნომერი	გამოშვ. წელი	შეძენის წელი	ფერი	ღირებულება (ლარი)	წლიური სადაზღვევო პრემია
1	აუდი ა-6 3.0 სახ.№CCG-005 (ავტომ.)	2012	2012	შავი	101999.92	
2	ჰიუნდაი ვერაკრუზი 3.8 სახ.№SAS-500 (ავტომ.)	2008	2008	შავი	28144.38	
3	ტოიოტა ლენდკრუიზერი 4.5 №CCG-800 (ავტომ.)	2010	2010	შავი	68341.53	
4	ა/მ ფოლცვაგენ პასატი 1.8 №TSP-800 (ავტომ.)	2011	2011	შავი	41270.78	
5	ა/მ ტოიოტა-კამრი 2.4 №SI-011 (ავტომ.)	2010	2010	შავი	41066.76	
6	ა/მ ტოიოტა-კამრი 2.4 №SOF-810 (ავტომ.)	2010	2010	შავი	41066.76	
7	ა/მ ტოიოტა-კამრი 2.4 №CCG-100 (ავტომ.)	2010	2010	შავი	41066.76	
8	ა/მ ტოიოტა-კამრი 2.4 №GBG-599 (ავტომ.)	2008	2008	შავი	21780	
9	ჰიუნდაი IX35 2.0 სახ.№FXF-584 (ავტომ.)	2011	2012	რუხი	30396.24	
10	ა/მ ჰიუნდაი სონატა 2.0 №AIA-393 (ავტომ.)	2011	2011	შავი	31653.42	
11	ა/მ ჰიუნდაი სონატა 2.0 №SOF-552 (ავტომ.)	2011	2011	შავი	31653.42	
12	ა/მ ჰიუნდაი სონატა 2.0 №AEF-700 (ავტომ.)	2011	2011	შავი	31653.42	
13	ა/მ ჰიუნდაი სონატა 2.0 №SOF-801 (ავტომ.)	2011	2011	შავი	31653.42	
14	ა/მ ჰიუნდაი სონატა 2.0 №GPC-221 (ავტომ.)	2011	2011	შავი	31707.74	
15	ა/მ ჰიუნდაი სონატა 2.0 №SOF-803 (ავტომ.)	2011	2011	შავი	31653.42	
16	ა/მ ჰიუნდაი სონატა 2.0 №SOF-804 (ავტომ.)	2011	2011	შავი	31653.42	

17	ა/მ ჰიუნდაი სონატა 2.0 №LOV-488 (მექან.)	2011	2011	შავი	31653.42	
18	ა/მ ჰიუნდაი IX35 2.0 №GBG-588 (მექან.)	2010	2010	შავი	26068.97	
19	ა/მ ტოიოტა ჰაიუს 2.7 ავტობუსი №CCG-200 (მექან.)	2007	2009	ვერცხლიფ.	20374.32	
20	ა/მ კია კადენზა 3.5 №FXF- 583 (ავტომ.)	2012	2012	შავი	47152.8	
21	ა/მ ჰიუნდაი getz 1.4 №SES- 755 (მექან.)	2007	2009	რუხი	11066.15	
22	ა/მ კია ოპტიმა 2.4 №FXF- 582 (ავტომ.)	2012	2012	შავი	39915.6	
23	ტოიოტა ლენდკრუიზერი პრადო 2.7 №SOT-545	2006	2009	შავი	20360.75	
24	ა/მ ჰიუნდაი ელანტრა 1.8 №CJC-680 (ავტომ.)	2011	2012	რუხი	27972	
25	ა/მ ჰიუნდაი ელანტრა 1.8 №BAR-888 (ავტომ.)	2011	2012	რუხი	27972	
26	ა/მ ჰიუნდაი ელანტრა 1.8 №DJD-571 (ავტომ.)	2011	2011	შავი	24236.47	
27	ა/მ ტოიოტალენდკრ. 4.2 №BSB-304 (მექ. დიზელი) GIZ	2003	2012	თეთრი	27353.95	
28	ფოლცვაგენ- პასატი სახ.№CJC-780	2004	2012	რუხი	15211.52	
29	შკოდა ოქტავია სახ.№CJC-750	2004	2012	შავი	5471.27	
30	შკოდა ოქტავია სახ.№DFD- 018	2008	2012	რუხი	14656.26	

შენიშვნა: სადაზღვევო ღირებულება არის ის თანხა, რომლის ფარგლებშიც მზღვეველი ვალდებულია მოახდინოს დამზღვევისათვის სადაზღვევო შემთხვევით მიყენებული ზიანის ანაზღაურება.

ავტომანქანის სადაზღვევო რისკები და პირობები

- ავტოსატრანსპორტო საშუალების დაზღვევა ნულოვანი ფრანშიზით,
- ავტოსატრანსპორტისათვის გარეგანი ზემოქმედებით მიყენებულ დაზიანებას, ხანძარს, აფეთქებას, დაზღვევის საგნის გატაცებას, გატაცების მცდელობას (კერძოდ: ქურდობას, მარცვას, ყაჩაღობას),
- დამატებითი აღჭურვილობის, მინების სარკეების და ა.შ ქურდობა
- ავტოსატრანსპორტის ევაკუაციასთან დაკავშირებული ხარჯები
- მზღვეველის მიერ მესამე პირთა წინაშე სამოქალაქო პასუხისმგებლობას. მაქსიმალური ლიმიტი - არანაკლებ 10 000 (ათი ათასი) ლარი,
- უფლებამოსილი მძღოლისა და მგზავრების დაზღვევას უბედური შემთხვევისაგან მაქსიმალური ლიმიტი არანაკლებ 10 000 (ათი ათასი) ლარი, ჯამურად, სუბლიმიტი ერთ პირზე არანაკლებ 2000 ლარი)
- ავტოსატრანსპორტის სრულ დაზიანებად ჩაითვლება ზიანი, რომლის დროსაც აღდგენითი შეკეთების ღირებულება მისი საბაზრო ღირებულების 75%-ს ან მეტს შეადგენს ან განადგურებულია ავტომანქანის 75% ან მეტი
- სრული ზარალის შემთხვევაში მზღვეველის არჩევანის შესაბამისად მზღვეველი აუნაზღაურებს ავტომანქანის საბალანსო ღირებულებას ან ახდენს მსგავსი ავტომანქანის ჩანაცვლებას (მიუხედავად დაზიანებული ავტომანქანის საბაზრო ღირებულებისა).
- ზარალის დადგომისას "შემსყიდველი" ზარალის ასანაზღაურებლად წარადგენს - დანართი N5-ში მითითებულ დოკუმენტებს.
- ზარალის ანაზღაურება უნდა მოხდეს დანართ N5-ში მითითებული დოკუმენტების წარდგენიდან არაუმეტეს 20 (ოცი) კალენდარულ დღეში.
- პრემიის გადახდა მოხდება ინვოისის წარმოდგენიდან 20 (ოცი) დღის ვადაში
- უფლებამოსილი მძღოლი გულისხმობს: შემსყიდველის ნებისმიერი თანამშრომელს ან პირს, არანაკლებ 21 და არაუმეტეს 65 წლის, რომელსაც უნდა გააჩნდეს მართვის უფლებამოსილება.

შენიშვნა: მოცემული ჩამონათვალი იქნება გათვალისწინებული ხელშეკრულების გაფორმების დროს.

ავტომანქანის სადაზღვევო რისკების ჩამონათვალი, რომელიც არ ანაზღაურდება

1. ზარალს, რომელიც გამოწვეულია სადაზღვევო შემთხვევის დადგომამდე არსებული დაზიანებით;
2. ზარალს, გამოწვეულს ამორტიზაციით, ცვეთით, ჟანგვით, კოროზიით და ა.შ;
3. მექანიზმებისა და ელექტრომოწყობილობების გაფუჭებით, მწყობრიდან გამოსვლით, გატეხვით გამოწვეულ ხარჯებს, ძრავის, სიჩქარეების გადაცემათა კოლოფის ნებისმიერ დაზიანებას, გარდა პირდაპირი მექანიკური დაზიანების შემთხვევებისა;
4. ისეთი შეკეთების ხარჯებს, რომელიც მიზნად ისახავს ავტომოტოტრანსპორტის მდგომარეობის გაუმჯობესებას სადაზღვევო შემთხვევამდე მის მდგომარეობასთან შედარებით;
5. ზარალს, გამოწვეულს ავტომოტოტრანსპორტის საბაზრო ღირებულების ნებისმიერი შემცირებით, რომელიც მოჰყვა მის შეკეთებას;
6. ზარალს, რომელიც გამოწვეულია დაზღვეული ავტომოტოტრანსპორტის რალიში, რბოლაში, გამძლეობაზე ან ნებისმიერ სხვა შეჯიბრში ან ტესტირებაში მონაწილეობით;
7. ზარალს და დაზიანებას, რომელიც გამოწვეულია დაზღვეული ავტომოტოტრანსპორტის გადატვირთვით, ტექნიკური გაუმართაობით;
8. ნებისმიერი სახის ზარალს ან დაზიანებას, რომელიც წარმოიშვა იმ შემთხვევებში, როცა:
 - ა) დაზღვეულ ავტომოტოტრანსპორტს მართავდა ნებისმიერი პიროვნება, უფლებამოსილი მძღოლის გარდა. უფლებამოსილი მძღოლი ამ პირობების ფარგლებში არის სახელმწიფო აუდიტის სამსახურის ნებისმიერი თანამშრომელი ან პირი, არანაკლებ 21 და არაუმეტეს 65 წლის, რომელსაც უნდა გააჩნდეს შესაბამისი კატეგორიის მართვის მოწმობა.
 - ბ) უფლებამოსილი მძღოლი მართავდა ავტომოტოტრანსპორტს ალკოჰოლური, ნარკოტიკული ან ფსიქოტროპული ნივთიერებების სიმთვრალის მდგომარეობაში.
 - გ) იონიზირებული რადიაციით, რადიოაქტიური დაბინძურებით, ნებისმიერი სახის რადიოაქტიური გამოსხივების მქონე ბირთვული საწვავით ან რადიოაქტიური წვის შედეგად მიღებული ნარჩენებით გამოწვეულ ზარალს;
 - დ) რადიოაქტიური, მომწამლავი, ფეთქებადი ან სხვა საშიში ნაერთების ტრანსპორტირებით, ბირთვული კომპონენტებით გამოწვეულ ზარალს;
 - ე) საომარი მოქმედებით (მიუხედავად ომის გამოცხადებისა თუ გამოუცხადებლობისა), სამოქალაქო ომით, რევოლუციით, სამხედრო ან უზურპატორული ძალაუფლების გამოყენებით, აჯანყებით, გაფიცვით ან სამოქალაქო არეულობით გამოწვეულ ზარალს;
 - ვ) ზარალს ან ზიანს, რომელიც წარმოიშვა დაზღვეული ავტომოტოტრანსპორტის აეროდრომზე, აეროდრომში ან აეროდრომის მიწდურის იმ მონაკვეთზე ყოფნისას, რომელიც გამოიყენება:
 - თვითმფრინავების ასაფრენ-დასაფრენად და გადასადგილებლად;
 - თვითმფრინავების სადგომად, მომსახურებისათვის განკუთვნილ გზად ან აეროპორტში საბაჟო შემოწმებისათვის.
 - ზ) დაზღვეული ავტომოტოტრანსპორტის მიმდინარე და საგარანტიო შეკეთების ხარჯები.

თ) ზარალს, რომელიც წარმოიშვა დაზღვევის ტერიტორიის ფარგლებს გარეთ.

ი) ზარალს, რომელსაც ადგილი ჰქონდა წინასწარგანზრახული სამართალდარღვევის ჩადენისას ან/და მისი ჩადენის მცდელობისას.

კ) ზარალს, რომელსაც ადგილი ჰქონდა თვითმკვლელობის, თვითდასახიჩრების ან/და ამგვარი მოქმედების ჩადენისას ან/და ამის მცდელობისას.

ლ) ავტომობილტრანსპორტის გამოყენება სამხედრო მიზნებისათვის.

მ) იმ შემთხვევაში, თუ დაზღვეული განზრახ მოახდენს ინფორმაციის გაყალბებას, რაიმე სარგებელის მიღების მიზნით, მზღვეველს აქვს უფლება არ გასცეს სადაზღვევო ანაზღაურება.

შენიშვნა: მხოლოდ მოცემული ჩამონათვალი იქნება გათვალისწინებული ხელშეკრულების გაფორმების დროს.

ზარალის (სადაზღვევო შემთხვევის) დადგომისას "მიმწოდებლის" მხრიდან

ზარალის ასანაზღაურებლად წარსადგენი დოკუმენტები

დოკუმენტების ჩამონათვალი

1. ავტოსაგზაო შემთხვევაზე საპატრულო პოლიციის მიერ გაცემული შესაბამისი დოკუმენტები.
2. ავტომანქანის ტექპასპორტის ასლი.
3. ავტომანქანის მძღოლის მართვის მოწმობის ასლი, პირადობის მოწმობის ასლი, სამსახურეობრივი პირადობის მოწმობის ასლი.

შენიშვნა: მოცემული დოკუმენტების ჩამონათვალი იქნება მხოლოდ გათვალისწინებული ხელშეკრულების გაფორმების დროს.